

山西府縣志輯

三才志之志集成

民國浮山縣志
光緒解州志

中國地方志集成


山西府縣志輯 ⑤⑥

民國浮山縣志


光緒解州志

鳳凰出版社 ● 上海書店 ● 巴蜀書社

總 理 遺 像



綏 靖 主 任 閻 公 肖 像




省政府主席徐公肖像




縣長榮庭肖像





天聖古柏
二峰之
夕照
雙父富
真
民國五年二月



續修浮山縣志序

溯稽浮乘失修屆今已五十有餘年矣此數十年之間雖山川猶昔唐風仍在而政教之演變人文之隆替與夫因革損益之事不有志焉曷以足徵故余下車之初首以問志爲務乃索邑乘寥不可得不禁感慨系之嘗語紳曰若不續修久則愈益湮沒廣編更難不惟文獻之無徵而振世厲俗之風復何克以資表顯而定法戒關係豈不重歟僉云續編縣志籌經至再惟有始鮮終不無遺憾因於民國二十二年春季行政會議之際喬君俊亭復倡續修之議衆皆符允當議定欸由全縣民商酌量分担不足由縣府及募捐以補助之旋蒙核准遂於去秋開

浮山縣志 卷首 序

始進行幸賴張君丹籍喬君俊亭衛君靜齋董其事在事諸君亦無不竭智襄助越數月竟告成功付諸剞劂今而後不患神山無志矣雖滄海難免遺珠之譏然沿革成滌除封建之弊余自維謏陋愧乏三長簿書之餘勉與諸君共成此帙當此農村正值經濟艱澀之秋卒能策此國粹之舉徵諸君之識見卓然毅力邁衆烏克有此爰誌數語聊示祝忱而已

署理浮山縣長兼綏靖公署軍法官晉城任耀先序於

民國二十四年四月

續修浮山縣志序

浮有修志之舉屢矣知事任公席甫氏倡於前李公子華氏和於後鋪張揚厲幾見籌備詎曇花一現竟爾寂然迨永安武公澄浮有鑒前失謂以我人我財了我事我自可主何需人爲乃求治太急規模未備倉卒設局故輻軒命駕使星出發而衆口鑠金責備方殷武又以他事去衆亦雲散嗚呼其邑乘大事非其時非其人不克肩此巨任乎何興仆之頻也回遡光緒庚午迄今歲幾滿週其間典章文物因革損益奚翅百千及今徵求已嫌落後蓋歷年既久老成凋謝文獻失佚博採旁搜均屬大難失今弗爲湮沒滋甚竊恐廬山之真即有智者亦無由表顯

浮山縣志 卷首 序

矣歲癸酉高都任公榮庭氏來宰是邦公從政既久諗民疾苦下車後首事撫綏未遑他務越明年政通人和百廢俱舉乃於政暇涉及邑乘知蕞爾之邑已往陳迹可供異日通志國史之採擇者正復不少闕而無聞與自遘四夷亦復何異歎大錯之將鑄問戶咎伊何人遂慨然以興繼爲己任是時也邑紳喬君本情亦以續修請因於上年秋七月邀集同人開館重修推董其事余不學無術深慮隕越峻辭弗獲乃伴食附驥勉爲其難聞之古者小內史掌邦國之志太史採風問俗布之方簡故一國之風土人情政教禮化胥於是乎在而莫或廢降及周末諸侯不庭國自爲政晉之乘楚之檮杌魯之春秋已各有記

漢後封建廢郡縣與史官所書不過朝野大綱方隅之事不復紀載郡縣人士知其然也乃羣起自爲以存遺迹遂成郡志縣志之嚆矢後世因之視爲常經間數十年輒一修浮志自特菴公四度重修後久無聲息而考其時海禁弛舶品至條約結法權失時而開埠時而割地時而教案時而賠款固國家大事似無關乎浮者然浮究二千縣之一影響所及痛癢係矣至露臺一警推翻數千年專制一躍而爲民主共和非惟吾人聞未聞見未見即求之歐美稽諸瑯嬛當亦少此滄桑之變而廢科舉尙學校裁苛捐便交通革封典舉村政定法文除淫刑崇實業禁毒品均新政卓卓者浮同覆載其能例外若夫星野建置疆

浮山縣志

卷首

二

城山川古蹟祠宇祀典寺觀以及賢孝節義藝文掌故宗教風俗農商兵工或名勝依舊或制度維新或潮流異趨或碩果猶存孰得孰失何去何留綱領所在有不得不先事商確者我同人虛心考慮竭誠相與並借鏡鄰封取材異地參綜錯雜融會歸納體例始具自是後經之營之任公總其大全同人手各一編非才如余亦執鞭役如是者九越月而脫稿此固我同人集腋之力實亦任公熱心擘畫貫徹始終有以玉成也至書中訛謬處諒復不少惟望博雅君子有以教之是則浮志之幸矣

民國二十四年春三月邑人張桂書謹序

續修浮山縣志序

志書者紀載地方之事物也地方有志則事物有所稽考地方無志則事物無從稽考且一時有記載則一時之事物有稽考一時失記載則一時之事物無稽考從可知志書之爲要志書之續修爲尤要也況集縣志而爲通志合通志而成國史則縣志關係之重何可等閒視之乃者民國肇造已廿四載設史館修清史勢已亟亟而余縣志書自光緒六年重修後廢而未理者五十餘年典章藝文行將湮沒幅員風土久或難考設一旦史館採及浮山而浮志猶在缺無遺憾何及甲戌年余忝充文獻委員會委員長夙悉臨洪翼安等縣志書次第修竣余縣官紳屢議及此而未竟其事竊思一誤不可再誤有始尤貴有終因復提是議於縣行政會與議人員均表同情邑宰任公極力提倡而士紳緒君子同心勸助張君丹籍熱心任勞歷半載而藏其事付印之日余以名附驥尾聊述蕪辭籍叙緣起敢云序乎哉

民國二十四年春三月邑人喬本情謹序

浮山縣志

卷首

四

續修浮山縣志序

居千百世之下可以窺探千百世之上而能追尋古人之制度文物者莫志若也處千百年之前能使現世之兵農禮樂食貨風尚垂延于千百世之後者亦莫志若也縣志豈易言乎哉不易言而言之明知其重而賤視之虛災梨棗冒然問世幾何不謔笑今人貽譏後人語及之汗津津顏報報情脈脈心志忘無以自己也哉曰寫蹟盡形傳人以實述往代之制演今世之規舉風俗政教而一爐冶之分緒類排都爲一帙是杞鄮雖小猶可益麟經之策馬渤縱賤尙足爲藥籠之助居浮山言浮山更進厚吾顏而寫無人收採之浮山風俗人物俟有集全國二十

浮山縣志 卷首序

五

縣之縣志而成國史者俯拾及之有如阮籍畫鬼橫塗豎抹惟其自知有指而目之者亦未必窮其究竟也逸僧曰斯則然矣使續志出有言其醜者未必醜也吾恐無人言焉是真醜而尤矣至舊志則吾不敢續亦非吾之所能續爰述其梗概如右
民國二十四年春三月邑人張範古謹序

原序

古謂史有三長曰學曰識曰才志乘之輯猶是也浮雖叢爾山城在唐虞爲近畿地沐浴聖化遺澤孔長其間可紀之事與可傳之人較諸通都大邑無多讓焉歲庚辰余承乏茲土先奉有纂修縣志之檄前署令鹿公笠儕籌畫布置井井有條雖未及從事而大局已具余踵而行之亦未有以更張也願維邑乘之修闢乎政治幅員有廣狹土地有肥磽物產有盈絀民風士習有盛衰皆將於是乎稽之他若鄉賢名宦忠孝節義之屬尤足以感激人心維持世教所係更有重焉者余自維固陋愧乏三長洵無以摘藻揚芬闡揚盛美然猶願與襄事諸君相約爲戒

浮山縣志 卷首序

六

毋涉阿徇毋存刻覈毋參以臆見毋掉以輕心用是矢慎矢公不遺不濫則庶幾邑之有志無異乎國之有史允足以信今而傳後也歟是爲序

光緒六年歲次庚辰仲冬之月知浮山縣事甯蜀裴允莊識

原序

光緒丁丑晉省旱魃爲殃而平郡尤甚戊寅又旱積困彌深凋敝之形不堪言狀蓋數百年未有之奇災也幸蒙聖天子渥澤頻敷蠲租給賑諸憲台悉心救濟仍復靡欸不籌而饑民之枵腹待斃者始得漸免於溝壑之填洵所謂起死而肉骨者矣歲己卯賑務始暇而地方災禍之餘彌殷宸慮遂有纂修省志之命由是檄下各屬俾輯志乘以備採擇是年冬暮余適司鐸浮山權縣事范陽鹿公謬加青睞命襄編纂校讐之役余自維譴陋愧不敢當未幾公去官而相繼視事者則寧蜀裴公也乃亦曲從前議辭不獲允然終恐以捫燭扣槃之見貽笑大方爰與

浮山縣志

卷首

七

同事諸君子悉心商酌凡有損益必宗公論至人物之可以續編者亦祇因其實錄隨類叙載而未敢妄爲軒輊於其間此則區區慎重之心所可自信無他者也顧是役也適當增修之後閱日無幾大約仍舊者十七更訂者十二增補者十一然猶恐乖錯紕繆在所不免則指余失而更正之不能無望於後之君子也夫

光緒庚辰孟冬之月浮山縣儒學教諭受州武克明謹撰

原序

且事莫難於創始而功莫便於相因則欲述前人之遺微以爲後人之法守雖數百載以上之人心不可見而一爲之修飾潤色斯忠孝節義之志遂無不昭然若揭如在目前則信矣邑之不可無志猶國之不可無史也余自壬戌通籍來晉庚午夏承乏是邦下車伊始即披覽輿圖見其卷頁之脫落銀版之模糊其殘闕而不全者大半慮文獻之無徵恐愈久而愈失其真也心竊憂之夷考邑乘創自康熙間重修於乾隆十年迄今又百餘年于茲矣其間豈無可嗣徽音所當續入志乘以垂不朽者特莫爲之後雖美弗傳耳於是廣詢博訪竟於邑紳家獲一全

浮山縣志

卷首

八

帙是何不自我先不自我後而乃得於深思遠慮之餘若有爲之守先而待後者此其中殆有天焉非人之所能爲也爰集同志諸君就其原本重加釐訂譌者證之遺者補之信者存之疑者闕之並取乾嘉以來之可傳者附于後而邑志始有完書亟詔手民重付梨棗五閱月而告成不禁喟然曰甚哉修志之難也蓋地處山陬年踰甲子既多卷宗之散佚復少父老之傳聞則欲其簡而能該約而能詳不戛戛乎其難哉況余賦性雖魯問政未遑而區區重輯之初心計惟是補刻前書編綴近事俾觀形勢而知山川之夷險覽舊蹟而識今古之廢興續選舉以紀人材志節孝以彰苦節傳人之志行吾人之志此書成而吾

志遂矣顧因陋就簡接墜緒於幾亡非敢云美備悉錄亦祗期白水盟心青山增色與二三同志樂觀厥成焉耳若夫興利除弊振廢起衰俗何以厚政何以成有非常之人始克興非常之業余不敏雖有志焉而未逮烏得不於後之君子而深其屬望之思也夫是爲序

同治十三年歲在甲戌十月朔旦賜進士出身誥授奉政大夫候補直隸州知浮山縣事加三級長白慶鐘撰書

原序

邑之有志乃國史中之一端凡以稽幅員紀風土也而山川之夷險民俗之醇漓皆於是乎見所貴有創於前而爲之備載尤賴有因於後而爲之增修從未有歷百餘年而闕焉無續纂者則浮山縣志之宜修也烏可緩哉長白特菴慶公於政成之四年親斯殘闕恐久而愈益湮沒如杞宋之不足徵也用是博采輿論即舊本而續增之以重付梨棗於此益以見其實事求是而爲當務之急矣憶公自庚午歲來宰是邑每以興利除弊修廢舉墜爲已任甫下車即不憚勞瘁跋涉周歷縣屬諸隘口悉心籌畫爲未雨綢繆計以邑西之韓村爲通臨洪之大道南之南畔橋爲界翼城之要路相度形勢各就其地之高下建關塞而築女牆俾民得設險爲守有備而無患其樹保障之功有如此者因邑文廟之漸就傾圯也謀所以修葺之乃捐廉以爲之倡邑之紳富士民莫不量力輸將爭先趨事而廟工於以告成然後嘆惠心孚於平日而感召自見於臨時也其尊聖道之誠有如此者而且整書院以培養人材鼓舞作興嚴厥考課循循善誘而訓迪有方肄業諸生一經拔擢或拔萃入選或優列前茅其藻鑑之精有如此者又復勤聽訟而案鮮滯牘獄無小大必以情壽張爲幻者莫得售其欺膚受之愬者無可施其技是以片言剖決罔不是非立判而兩造胥平其聽斷之明有如此

者詩人張道渥沒已久矣所著水屋騰稿爲之重訂而序傳之風雅不已略見一斑耶他如城隍廟則重修大門邑厲壇則添建屋宇補築垣墻事所應爲無不孜孜焉力肩其任次第舉行其他善政尤不勝指屈以故神君之稱衆母之號不獨洋溢乎四境歌頌於勿休即隣封之民亦皆聞風嚮慕願爲之氓此非有實政在民烏能心悅誠服若是哉他時出掌疆圉入爲宰輔設施之彪炳當更大有可觀胥可於此日之治行卜之僕半生潦倒落拓風塵餬其口于四方辱公知遇之深待以國士依公幕府者數載於茲相處既久故知之詳今於縣志之刊命襄分纂校讎之役何可竟默無一言爰於割剗歲事用綴數語惜願

浮山縣志

卷首

十一

唐之筆不足以闡揚盛美凡所臚陳聊以紀實有挂漏無諛詞也謹序時

清同治十三年歲在甲戌九月既望并門廬夢蘭齋谷氏識於神山幕次

原序

邑之有志猶國之有史家之有乘人之有年譜也故或數年一修或十數年一修至遠不過數十年從未有遠逾百年者浮山縣志則自乾隆至今百餘年未增一字中間可傳之人與一切當紀之事吾不知其遺軼凡幾而且原版殘缺舊本無多若再過數十年將盡飽蠹魚之腹而消歸於無何有之鄉矣後之人雖欲踵而修之幾何不歎爲杞宋之文獻耶特庵慶公以名進士來宰是邦惠心仁術興頌翕然公餘無他嗜好惟以振文修廢爲務既刊張水屋詩稿則自廟學書院以迄厲壇城隍廟韓村南畔橋諸役無不次第舉修俾各就緒以故卓著循聲一時

浮山縣志

卷首

十一

藉甚予固耳熟公名幾欲學許行之驢受一廛而爲氓乃歲在甲戌適官是學益信名下定無虛士洎索觀邑乘則又感慨係之矣當是時公方修訖文廟以餘資補刊舊志並訪百年來可傳不朽者類附於後以爲斯乘光雖滄海遺珠未必一網打盡而凡耳目之所能及父老之所傳聞固已附驥尾而行益顯而不患與草木同朽腐也是志也創始者前令潘侯續修者先紳張子至公而再接再厲使百餘年以往之風土人物鄉賢名宦無美弗彰百餘年以來之風土人物鄉賢名宦無盛弗傳發潛德之幽光俾流芳於百世視古人之澤及枯骨吾不知其何如而一腔子惻隱之心已於此而畢露其端倪也異日得宰天下

亦如是邑矣爰濡筆而樂爲之序清同治甲戌秋月勅授修職
郎浮山縣儒學教諭加三級昭餘李芬謹撰

原序

麟經未筆之年晉先名乘馬史易班而後志遂代書考括地於
三唐未成全璧志前明之一統厥有完篇下逮郡縣之分編悉
供朝廷之採輯此兼收博取邑乘實開通志之端而補闕拾遺
草創尤賴纂修之力浮之志始修於康熙壬子再修於雍正壬
子乾隆甲子迄今百三十年矣風聲政教幾經月異而日新關
隘山川屢見增高而設險職官多著勤勞之績甲科不無繼起
之英祥異疊呈俗風不變神祠陵墓多有待於增修田賦倉儲
不能無所沿革以及戶口之有增減節義之有題旌一名一技
之微胥堪採入先世先民之澤幾欲就湮倘不補輯於今時竊

恐遺忘於後日此 邑尊特庵慶老夫子所爲急急於修志也
溯從龍入國之先毓靈長白當飛鳧下車之始遇物垂青養育
人材化溥青氈之雨增加膏火春嘘白屋之風訓課時勤講求
備至修文廟以興文教不辭功費之繁築社壇以祀社神兼及
農桑之務況復敬城隍而新廟妥邑厲而爲壇高其閤閭修我
墻屋因有形之險阻添設關防悼無主之游魂買營義塚豆脚
錢里嫌其擾立法均攤限簿費民苦其繁隨糧減捐每下鄉則
屏除雲從恒巡野而多沛雨膏無利不興有煩必滌凡益治便
民之事隨處留心而雙歧五袴之歌厥聲載路因於政餘之暇
動考簡編更從披讀之閒訪詢古蹟憫舊志仍多闕略設新局

以廣探求挈領提綱特下褒榮之筆分肌擘理兼資入幕之賓
婉而成章謹嚴符春秋之律叙而不斷體例合史傳之規冗者
節而略者增信者傳而疑者闕至公至慎非毀非譽義著千秋
芳垂萬古片長載而神山壽永一藝成而涵水流長擷譜牒之
菁華繁而不殺備彈丸之物要而加詳天時與人事齊明風
土共民情疊見行見弦歌成化共知禮樂之可興從茲文獻足
徵益信典型之具在操牛刀而小試鼎鼐會調協鳥紀以成編
輶軒備探高文虹吐羣相翹企於鴻篇末學蟲雕竊幸附名於
驥尾清同治十三年歲次甲戌小春例授文林郎揀選知縣王
成恩科舉人馬豫齡撰

原序

邑之有誌凡以記山川疆土物產民風以及古今之沿革歷代
之災祥靡不博採兼收搜討無遺雖不同國史之義例精嚴而
紀載周詳采風者即可因此以別是非定法戒焉則邑乘一編
不綦重歟今年春余調選都下得交於農部張公聆其言論已
略悉浮山梗概夏初來茲此邦觀風問俗知其樸實勤儉饒有
古先遺意及披閱舊志微憾其未盡精詳因嘆文章一道作者
固難述者亦自不易官斯土者日從事於簿書錢穀又不暇及
此數十年來文獻日益湮沒其不致慨於無徵者鮮矣未閱月
觀察張公以所修新志示余余息心展玩其考核之精紀述之

詳既明且確復謹而嚴舉前此廢墜之典章釐然大備又嘆事
無難易惟恃其人是舉也有贈君魏嶽公爲之前而又得觀察
公諸昆玉爲之後積十餘年之心力遠稽遐考復不惜捐貲付
梓俾千餘年之殘缺一旦集成於今日豈徒善繼善述已哉余
承乏茲土方冀與邑之紳士共興廢墜何幸而得觀察公諸昆
玉爲之倡率也行將以是編獻之朝右庶探風者樂而編輯焉
是爲序

乾隆十年歲次乙丑季夏勅授文林郎知浮山縣事廣陵田有
伊譔

原序

古者列國皆置史官以紀其事即周禮外史之職也後世因之郡有志邑有乘顧史以寓褒貶立賞罰垂千秋之法戒定百代之是非美惡互陳貞淫並列若乘則美者錄而惡者不書貞者傳而淫者不具第有紀載之文而無勸懲之義豈例有不同與然而紀山川所以稽幅員之廣狹紀疆土所以考賦役之重輕學校關乎人文官績本于治政忠孝有傳植綱常也節烈有記彰壺範也而且人物之隱顯必書時歲之災祥必誌實於記載之中而存風勵之意此乘之所以通於史也乃吾觀昔之爲史者如班史失之固范史失之誕陳壽之三國志多徇愛憎而失

卷一

十七

是非魏收之北齊書每通貨賄而忘公論識者不能無譏焉要之史以傳信信則可徵乘猶之史也聞見不可以不博考據不可以不精論斷不可以不當俾探風者披卷而知其風俗之淳漓稽古者探冊而知其人才之興替其有關於治化豈淺鮮哉余于乾隆癸亥初夏承乏茲土披閱邑乘創自康熙十二年前令潘公雖有肇造之勞其中紀載殊多未備欲爲增修又自媿學識卑鄙弗具三長兼以簿書鞅掌有志未逮越明年冬適通議張公手持志稿一帙示余曰此先大夫因舊志簡略謀之前令周公暨署令錢公重加編輯者脫稿將成而二公辭任先大夫捐館其事遂寢余昆季輩念先志未就思竟其業焉余于退

食之暇逐類流覽見其序次精詳義例明晰頗費苦心較舊志加詳不啻十倍余何敢復贅一詞唯自雍正壬子距今已越一紀疆里山川雖猶如故而兩朝之因革損益歲時之消長盈虛以及戶口之繁庶賦役之增益學校之蔚興仕宦之遷轉與夫士女之芳規淑行隨時登見指不勝屈余與通議公互相校讐廣搜編纂按類續入不數月而告竣用請歸之棗梨刊刻成書是舉也捐一己之私囊任闔邑之公事義聲獨著既不借助於他山衆論僉符允昭垂于奕世余喜數十年來所遺缺弗彰者一旦燦然布列此固諸君子編輯之功而余亦獲附名簡端以光來許是則余之厚幸也夫是爲序

卷首

十八

乾隆九年歲次甲子小春勅授文林郎知浮山縣事鹿城賈西撰

原序

余聞之修廢舉墜者學士大夫之責而繼志述事者仁人孝子之行也夫事有關於人心風俗無論其分之得爲與不得爲皆可以毅然爲之而不辭昔孔子之作春秋也筆則筆削則削以匹夫而上操二百四十年南面之權故曰知我者惟春秋罪我者惟春秋而天下後世卒不敢以其僭而議之如謂非吾分所得爲而諉之而得爲者又不克爲焉將廢者終不復修而墜者終不復舉考古者所爲浩然太息也浮山邑乘創自國初始之者既畧而弗詳繼之者復成而未果百年來殘缺之典幾等於腐草螢光奄奄一息矣余宗伯通議公恐文獻之無徵慨然以

浮山縣志

卷首

十九

修明爲已任脫稿甫就旋即捐館余昆季等仰承先志重行編輯而以其事屬余余愧無茂先之博聞疆記又籍非土著恐見聞不廣貽譏有識然憶昔備位詞垣謬居史職凡四方之山川風土人物名賢蓋營三致意焉浮堯墟也其俗儉其風淳思深哉其陶唐氏之遺民乎是以俊偉之彥閭閻之英與夫忠孝節義之士接踵而出異日採風而登太史之書者將指不勝屈烏可聽其湮沒弗彰使後世無從考邇也哉爰與分纂分校諸君子悉心搜攬拾遺補闕功歷寒暑始獲成書是書也雖未知有當於古制作之林與否而引古證今義取其備例取其嚴不敢採春華而遺秋實買文牘而棄明珠如紀星緯則本於五行志

紀疆輿則本於風土紀記仕宦隱逸則本於世家列傳暨至於學校以徵文治沿革以明興替土產以別物宜災祥以示修省事倍於前文增於舊旣以備一邑之典章而於人心風俗亦不無有所裨益斯蓋余宗昆季等以仁孝之心而成其繼述之事而凡獲操鉛槧與於編輯之列者其亦樂爲襄贊而相與有成也夫是爲序

時

乾隆十年秋七月穀旦賜進士出身誥授奉政大夫雲南道監察御史協理陝西道事前翰林院檢討加一級蜀朗池張乾元撰

浮山縣志

卷首

二十

原序

舊志修於康熙壬子歷今五十九年老成凋謝兼地震之餘冊籍散落長吏有事茲土者四五十年或不能舉其去來歲月他可知已方今聖天子稽古右文新開一統志館令直省二三年內各輯成通誌獻山右被命既設局會城因檄下郡縣於舊志外皆續爲草檢以備採擇上溯舊志告成之季支干相配數一週矣豈所謂天道變於上則人事應於下者乎夫星辰纏次終古不移山河形勝間有變遷至如城郭廢興風俗淳漓則月異而歲不同矣然苟典非甚鉅雖小有損益既載舊志何煩多贅惟

浮山縣志 卷首

二十一

先農有壇 關帝三代有廟以及忠孝節義等祠皆制以義起斷自宸衷爲千古創舉而爲我朝列聖相承聲教四訖無遠弗屆浮雖蕞爾乘時策勳視昔有加下逮委巷匹夫匹婦無不以廉恥節義相摩勵者何其盛也踵事之增可缺乎哉顧地之通儒簞簞鄴架而風塵下吏紛拏於簿書獄訟之間筆墨久荒因陋就簡雖粗備故實比諸自鄆以下矣後有作者揆藻摘華旁搜遠討彌前人之罅漏成下邑之完書閱覽君子聊以是爲簞揚之糠粃可也

雍正八年歲在庚戌秋月浮山縣知縣山右周毓正識

原序

周官小史掌邦國之志外史掌四方之志至漢蘭臺令有志東觀繼之凡海寓之山川風土職貢官師謠俗景物辭章條分派別實權輿焉迨其後郡國有圖經風土有記方輿有考而郡邑志滋繁矣浮山爲唐虞甸服地唐宋胥班上縣自金大定中定縣名浮山至明季而戶口減耗國家加惠元元休養寬恤淺獲與他縣齒而士風亦進而彌上顧舊志訛缺事蹟弗彰迺司牧者之責也雍正庚戌冬予承乏委署政教所關雖至慚謫劣不敢不竭蹶趨事會邑通議孝廉二張公有修邑志之役予共爲商確蒐輯遺文淺獲成書凡析類三十有七各爲一卷視舊志

浮山縣志 卷首

二十一

倍之而通議公之研精蒐輯尙未有艾也壬子秋予復被檄署臨晉而志適告成通議公遣价持書請予序其端予嘗誦蔣文定公集曰九州之志豈徒事彌文以飾吏事哉辨封域則欲其慎固別淑慝則欲其勸懲錄丁口頃畝則欲徭賦均平書學校教化則欲習尙淳熾以至物產豐耗吏治得失莫不各有微意于其間皆所以爲政化計也至於文事武備內修外寧不可以一日弛故尤致意焉予以爲史志之義例不越此今雖不敢比小史外史勒爲一編以彰聖朝之風化典章之極盛而猶幸偕通議公成是編獲附圖經風土記方輿地輿諸書後以備通志採擇則後之君子欲述稽神山掌故者庸或有小補云爾